



FOTO RALPH FEINER/52BESTEBAUTEN.CH

## Ina chasa da vacanzas u ina staziun d'ina pendiculara?

■ (ls/fmr) Sunter la Segunda Guerra mundiala hai dà in veritabel boom dad abitaziuns da vacanzas en il Grischun. In'economia prosperonta ed adina dapli temp liber han attribuì a quest svilup. La chasa da vacanzas Schmid (1962/1963) a Spleia è ina vaira trovaglia. La cumbina-

ziun da mir e lain è expressiun da la tradiziun purila da bajegiar. Plitost nunconvenziunal è il plan en furma da trapez ed il tetg cun in'ala. Cun ina veranda ed ina loggia encunter il dutg vegn encurri ina simbiossa cun la cuntrada da Spligia. En il vitg vegn la chasa era numnada «la staziun da pendi-

cularas». Planisà questa chasa cun caracter d'ina chamona ha l'architect da renum *Ernst Gisel* (\*1922).

Quest object è in da 52 edifizis che la Lia grischuna per la protecziun da la patria preschenta en il decurs da quest onn per sensibilisar per architectura dals onns 1950–2000.